



Manager

(ASP580-05.05.2011)



A Firma, wo ischt voll im Lot,
kuo Zahl im Minus, nünt in rot,
wo 's G'schaft uf Toura louft wio g'schmiert,
g'hör, muont do Ufsichtsrot, saniert.


As bruch als Manager an Ma
wo Nochwies heat, was er alls ka;
ob er 's ou ka ischt schießo-gli:
vor allem nöü, däs müoß ar si !

Wil er sä z' wenig informiert,
alls trotzdem ka, woascht was passiert:
scho vor-om Ablouf vo 'm a Johr,
arkennond dio wo wänd scho d' G'fohr;
sie stellond G'fohr uf all Fäll kalt,
sie los z' si, macht sä meh as zahlt.

Zum Glück stimmt all no, was ma seit:
abg'hiortota ma viel vertreit.
Ma woaßt nid alls scho im varus.
Das Wichtigscht ischt, ma lernat drus !



(ASP580-05.05.2011)



Züg git as, wo< 's gär nid git.
Als Philosoph ma drundert lit.

As künnt 's jo schließlä scho no gio,
ma künnt 's blös no nid g'fundo hio


A klälä schwanger, hoast as, sei
a Sach, wo nio as gio no hei.

Wenn i bio richtig informiert,
würd all dra ommar no probiert.

So kriegt dar guot Rot doch no Sio,
wo hoast, ma söll nio säga nio.



(ASP581-05.06.2011)



undro Scheffel stello

(ASP582-08.06.2011)



Zum zu do Philosopho zello,
darscht 's Liocht nid undro Scheffel stello,
muoscht wie do Sokrates, dar alt,
wo seolb nid viel vo iohm selb halt,
arkläro, was zwor ou nid nöü lacht,
dass d' wioissicht, dass d' nünt wissa töüischt.


As wär vo iohm nünt übrig bliobo,
het nid do Plato 's Meischt ufgschriobo.
As wio bin Griocho-n-ischt das Bescht,
schrieb uf was d' dänkscht, halt 's Wichtigst fescht.

Als Philosoph kascht 's Gsicht verlüro;
die meishto wöarond zwor kaum gschpiuro,
do Plebs würd eh blös däs verstoh,
wenn d' seischt, ma söll i Ruoh di lo!

Arwart nid, dass ma di benit,
dass dir a Lob gär eopar git;
blös wio Diogenes verlang,
dass dir ma us-or Sunno gang.



(ASP582-08.06.2011)



Sacha wo u'wichtig siond,
muoscht drom no lang nid übergoh;
d' Ignoranz macht taub und bliond,
und sie vermionderat 's Verstoh.

Sacha wo roß wichtig siond,
dio söttischt wenigstens verstoh;
's fanatisch si und stur macht bliond;
tuoscht liechter 's andra-n-überlo.

Sacha wo vergango siond,
darscht rüobig ommä si ou lo;
zruck all blös z' luogot, macht stockbliond,
blös füorderschä würscht witer ko !





Skorpion

(ASP584-22.07.2011)



Nid wenig mol as mior passiort,
dass i nid miner Muonung bio.
Eotz het mi gad blös intressiort,
ob i dermit reocht künntit hio.

I muoss dozuo no ehrlä gschtöh,
dass i mi z' ruckhalt undertänig,
dass i die meischt Zit reocht mior lo
vom Strit mit mior seolb halt i wenig.

Wer allerdings mir widerspriocht,
leit mit am Skorpion sä a,
wo ganz brutal a jeden stiocht,
wo muont, dass er alls besser ka.



(ASP584-22.07.2011)



Axiömer 7

(ASP585-07.09.2011)



Die grauo Zeolla halt der fit,
wo iohna gnuo zum dänko git.

Das Nöü ischt nöüor as das Alt,
as bleibt 's, solang ma 's Alt no b'halt.

Bim Reda hoäßt as Obacht gio,
das Gseit lot numma z'ruck sä nio.

Focht a Problem di a zum jucko,
tuoscht guot, z'erscht drümol leer zum schlucko.

As sündig nid wer schlof, as hoäßt,
ar blös, was er versumt, nid woäßt.

Du kascht reocht guot di Altar meosso,
a däm, was du scho heascht vergeosso.

An Philosoph ka wöro jeda,
ar muoß blös 's Züg verteit her-reda.




(ASP585-07.09.2011)



Das Koschtbarscht wo du iorbo kascht,
däs siond nid Hüser, siond nid Bödo,
siond ou nid Wäld ischt nid 's Vermögo,
däs ischt däs Gen, dass d' seolb di mascht.

Dorzuo däs Gen, vo dem ma seit,
as sei schuld, dass ma uos vertreit.
Und 's Gen, mit däm ma sofort gschpürt,
falls do Humor ma z' letscht verlürt.
Heascht 's Uofach-Si-Gen überko,
würscht über viela Dinger stoh.
Wenn dir dozuo däs Gen ischt gschänkt,
mit däm ma reocht vernünfftig dänkt,
kascht rüobig denn bim Abschied nio
di Gen-Vermögo witergio.

Di Gen würd denn ou dina lorbo
gwioß do Charakter nid verdiorbo.



(ASP586-08.09.2011)



am Karro

(ASP587-21.10.2011)



Wenn i vom Karro-n-abä luog,
focht as bi mior zum Kribla-n-a;
a Kribla, wo-n-i gär nio gnoug
vom Abä-luoga kriogo ka.

Wio b'huotsam baschtlat, Hus a Hus,
broat Doarobioro dun sä us.
Gad erscht heat flach no d' Obotsunno
uf 's Huomatstädtlä inar g'schunno;
heat 's nommol farbig lüchto lo.
Eotz lit as seelorüobig do,
wio Hüslarzüg zu mina Füoß.
As git nid viel so ähnlä Schüos.
Fallt 's Dunkel langsam über 's Tal,
arschinod Liochtlä ohne Zahl.
I hio mit mior und Luoga z' tuo.
Und 's Kribla nit all meh no zuo.

Wüß i nid, dass i nüochter bio,
i tät dem Pipla Schuld dra gio,
dass 's Kribla nid i Ruoh mi lot,
wo ou butznüochtra nid vergoht.

Min Doktor lot sä explizioro
wio, 's Kribla i am Karro homm
a jedsmol gnau dänn überkomm,
wenn i blös dänk a Doarobioro.

Das Kribla, seit ar, hei sin Grund,
as komm vom Glück – und sei drom xund.



(ASP587-21.10.2011)



Wihnächto

(ASP588-28.11.2011)



Die Heilig Nacht macht alle Johr
's groß Wunder Wihnacht wieder wohr.
Do Herrgott, wo uf d' Welt ischt ko,
heat d' Gnad do Mensch arkenno lo.

Refrain: Lass stimmo-n-üs an Jubel a,
 wio d' Engelchör a Gloria,
 dem Kiond wo alpha est et o.
 a frohs in dulci jubilo

Im Stall zu Bethlehem als Kiond
d' Versprecho vo 'n Propheto siond,
noch a ma Warta, a ma lango,
der Menschheit i Arfüllung 'gango.

Refrain: Lass stimmo-n-üs an Jubel a,
 wio d' Engelchör a Gloria,
 dem Kiond wo alpha est et o.
 a frohs in dulci jubilo

Des Kiond, wo döt uf d' Weolt ischt kør,
arlücht do Menscho – do und dør,
wo 's Wunder kiondlich, glöübig siocht
i göttlich, trautom Wihnachts-Liocht.

Refrain: Lass stimmo-n-üs an Jubel a,
 wio d' Engelchör a Gloria,
 dem Kiond wo alpha est et o.
 a frohs in dulci jubilo



Wio d' Hiorto d' Huld dem Jesu-Kiond
z' arwiesot ko zur Krippe siond,
lass stimmo-n-üs an Jubel a,
wio d' Engelchör a Gloria.

Refrain: Lass stimmo-n-üs an Jubel a,
 wie d' Engelchör a Gloria,
 dem Kiond wo alpha est et o.
 a frohs in dolci jubilo

do und dσ (= damals und hier, „o“ offen, „σ“ geschlossen)



(ASP588-28.12.2011)



Tellerrand

(ASP589--12.02.2012)

D' Regierunga i Stadt und Land
kaum seochand übr-o Tellarrand.

A jedä 's oago Süplä kochat,
's frönd Geold im gröschto Reocht verlochat.

Ar dänk jo eh, muont jeda zwor,
böös „was“ ar dänkt, däs ischt halt d' Gfohr.

As ischt drom meh i d' Modä ko,
statt seolber z' dänkot " 's dänko lo".

Bi deona blibt, wo dänko lond,
do Tellarrand do Horizont.

An Us'schuss ma befassa künt,
däs wär amol scho meh as nünt.

As söllond Lüt mit androm Dänko,
sä d' Wiondunga im Hirn verränko.

An Us'schuss hettit ehnder d' Pflicht,
zum Vorschläg macha, wio ma's richt.

Z' beachtot güb as allarhand,
nid all blös bis zum Tellarrand.

An Us'schuss muß kuo Usred si,
do Ufwand ischt gad ou no gli.

Ma ka no all, i-n-aller Ruoh,
iohm reocht gio - und dänn anderscht tuo.

Ma heat 's all seolb no i der Hand,
z' mionscht z' schielot übr-o Tellarrand.



(ASP589-12.02.2012)